

Վ. Ալեքսանյան
շրջան (քաղաք) համայնք

Հեռահաղորդակցության Ծառայությունների
ՄԱՅՈՒՑՄԱՆ ՊԱՅՄԱՆԱԳԻՐ N ԲԳ-ԱԿ-1

24 հունվարի 2019
ամսաթիվ

Հեռահաղորդակցության Օպերատորը՝ «Ղարաբաղ Տելեկոմ» ՓԲԸ-ն, որը գործում է իր կանոնադրության և 2001թ. նոյեմբերի 19-ի N 315-1/2 լիցենզիայի հիման վրա, մի կողմից՝ ի դեմս Ն. Գաբրիելյանի, մյուս կողմից՝ Բաժանորդը, ՀՀ քննչական կոմիտեն, ի դեմս դեպարտամենտի ղեկավար Ա. Նիկոյանի, որը գործում է դեպարտամենտի կանոնադրության հիման վրա կնքեցին սույն պայմանագիրը հետևյալի մասին.

1. ՊԱՅՄԱՆԱԳՐԻ ԱՈՒՐԿԱՆ

1.1 Օպերատորը պարտավորվում է սույն պայմանագրով նախատեսված ծավալներով, ձևով և ժամկետներում Բաժանորդին մատուցել սույն պայմանագրի N 1 հավելվածով նախատեսված ծառայություններ (այսուհետև՝ Ծառայություն), իսկ Բաժանորդը պարտավորվում է ընդունել այդ Ծառայությունը և վճարել դրա դիմաց:

2. ԿՈՂՄԵՐԻ ԻՐԱՎՈՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Բաժանորդն իրավունք ունի՝

2.1.1 Պահանջել օրենքով կամ այլ նորմատիվ ակտերով նախատեսված արտոնությունների և առավելությունների ապահովում:

2.1.2 Հեռախոսակապի օգտագործման միջոցով վարել հեռախոսային խոսակցություն և տեղեկատվության փոխանակում, փոխանցում:

2.1.3 Պահանջել հեռախոսակապի ծառայությունների վճարման վերահաշվարկ կամ այդ ծառայություններից օգտվելու համար հեռախոսակապի բացակայության ժամանակահատվածում դրամական միջոցների վերադարձ:

2.1.4 Օպերատորի կողմից մատուցվող ծառայությունների չկատարման կամ ոչ պատշաճ կատարման դեպքում ներկայացնել բողոք:

2.1.5 Հրաժարվել պայմանագրով չնախատեսված ծառայությունների վճարումից:

2.2 Բաժանորդը պարտավոր է՝

2.2.1 Տեղական, միջքաղաքային և միջազգային հեռախոսակապի, հեռախոսով տրված հեռագրերի ծառայությունների և հեռահաղորդակցության այլ ծառայությունների համար, որոնք կատարվում են Բաժանորդին պատկանող բաժանորդային սարքավորումների օգնությամբ, վճարումներ կատարել լրիվ ծավալով և պայմանագրում նշված ժամկետներում, իսկ այդ ժամկետի խախտման դեպքում՝ նաև սույն պայմանագրի 2.2.3 կետով նախատեսված վճարը:

2.2.2 Բաժանորդային գծեր և իր տարածքում ունեցած բաժանորդային սարքավորումները պահպանել սարքին վիճակում:

2.2.3 Նախքան պայմանագրի լուծումը բաժանորդային համարի վերականգնման համար լրիվ մարել պարտքը և մուծել յուրաքանչյուր հեռախոսահամարի անջատված ամիսների բաժանորդավճարը ու յուրաքանչյուր հեռախոսահամարի վերականգնման վարձը՝ հաստատված սակագներով:

2.2.4 Բացառել ինքնուրույն որևէ աշխատանքի կատարումը, կապված բաժանորդային սարքավորումների և հեռախոսային գծերի հետ:

2.3 Օպերատորն իրավունք ունի՝

2.3.1 Ժամկետանց պարտքի դիմաց ժամանակավոր անջատել Բաժանորդի համապատասխան հեռախոսահամարը:

2.3.2 Հեռախոսի ժամանակավոր անջատման առավելագույն ժամկետը լրանալուց հետո (3 ամիս) Օպերատորը վերջնականապես դադարեցնում է սույն պայմանագրի գործողությունը, իսկ Բաժանորդը կարող է նորից հեռախոսահամար ստանալ ընդհանուր հիմունքներով:

2.4 Օպերատորը պարտավոր է՝

2.4.1 Սույն պայմանագրով սահմանված պայմաններով Բաժանորդին մատուցել հեռախոսակապից օգտվելու հնարավորություն, օգտագործելով հատկացված բաժանորդային համարը:

2.4.2 Կայանային վնասվածքի դեպքում 24 ժամվա ընթացքում ապահովել հեռախոսակապի կայուն և որակյալ աշխատանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Բաժանորդին:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

3.1 Մատուցված հեռահաղորդակցության ծառայությունների դիմաց վճարումները Բաժանորդը իրականացնում է հաշվարկային ամսվան հաջորդող ամսվա մինչև վերջին օրը ներառյալ՝ հանձնման-ընդունման արձանագրության հիման վրա:

3.2 Սույն պայմանագրով Օպերատորի մատուցած Ծառայության յուրաքանչյուր միավորի գինը, ներառյալ ԱԱՀ-ն, ներկայացված է սույն պայմանագրի անբաժանելի մասը կազմող N1 հավելվածում: Գինը ներառում է Օպերատորի կողմից իրականացվող բոլոր ծախսերը՝ այդ թվում հարկերը, տուրքերը և ԼՂՀ օրենդորությամբ սահմանված այլ վճարները:

3.4 Բաժանորդը իրեն մատուցած հեռախոսակապի Ծառայությունների դիմաց վճարում է անկանխիկ՝ դրամական միջոցները Օպերատորի հաշվարկային հաշվին փոխանցելու միջոցով:

4. ԾԱՌԱՅՈՒԹՅԱՆ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

4.1 Օպերատորը Ծառայությունը մատուցում է Բաժանորդին պայմանագրում նշված ծավալներով, ձևով և ժամկետներում:

4.1.1 Օպերատորը՝ Պայմանագրով նախատեսված Ծառայության մատուցման փուլի ավարտից 5 աշխատանքային օրվա ընթացքում Բաժանորդին է ներկայացնում մատուցած Ծառայության մասին իր կողմից ստորագրված հանձնման-ընդունման արձանագրության երկու օրինակ (Հավելված N 3):

4.2 Բաժանորդը հանձնման-ընդունման արձանագրությունը ստանալու պահից հինգօրյա ժամկետում Օպերատորին է ներկայացնում իր կողմից ստորագրված հանձնման-ընդունման արձանագրության մեկ օրինակը:

4.3 Ծառայությունը Բաժանորդի կողմից ընդունված է համարվում երկկողմանի հանձնման-ընդունման արձանագրությունը ստորագրելու պահից:

5. ԿՈՂՄԵՐԻ ՊԱՏԱՍԽԱՆԱՍՎՈՒԹՅՈՒՆԸ

5.1 Օպերատորը պատասխանատվություն է կրում Ծառայության մատուցման որակի և սույն պայմանագրի նախատեսված պահանջների պահպանման համար:

5.2 Բաժանորդի կողմից սույն պայմանագրի 3.1 կետով նախատեսված ժամկետի խախտման համար Օպերատորը անջատում է Բաժանորդի բոլոր հեռախոսները:

5.3 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում գործող օրենսդրությամբ սահմանված կարգով:

6. ԱՆՀԱՂՁԱՅԱՐԵԼԻ ՈՒԺԻ ԱԶԳԵՑՈՒԹՅՈՒՆԸ

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին գրավոր տեղյակ պահելով մյուս կողմին:

7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը: Պայմանագրի պայմանները կիրառվում են կողմերի միջև 01.01.2019թ.-ին փաստացի ծագած հարաբերությունների նկատմամբ: Ընդ որում մինչև պայմանագիր կնքվելը կատարողի կողմից մատուցված ծառայության դիմաց վճարումը իրականացվում է պայմանագիրը ՀՀ Ֆինանսների նախարարության կողմից հաշվառված լինելու դեպքում:

Ծառայության մատուցումը կիրականացվի մինչև 20.12.2019թ.:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ Ֆինանսների նախարարության կողմից հաշվառված լինելու հանգամանքը, որի վերաբերյալ Բաժանորդը 20 աշխատանքային օրվա ընթացքում ծանուցում է Օպերատորին:

7.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Օպերատորը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում գործող օրենսդրությանը, ապա այդ հիմքերն ի հայտ գալուց հետո Բաժանորդը իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին գործող օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Բաժանորդը չի կրում պայմանագրի միակողմանի լուծման հետևանքով Օպերատորի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Բաժանորդի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Բաժանորդի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ գործող օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան գործող օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.4 Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Բաժանորդի մոտ չի վերացել գնման առարկայի օգտագործման պահանջը:

Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

7.5 Սույն պայմանագրի պատշաճ կատարման պայմաններում կողմերի (Օպերատոր կամ Բաժանորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Օպերատորի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Օպերատորը:

7.6 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատարաններում:

7.7 Սույն պայմանագիրը կազմված է 3 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.8 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.9. Ստորագրելով սույն Պայմանագիրը Բաժանորդը տալիս է իր թույլտվությունը վավերապայմանների մեջ իր կողմից ներկայացված էլեկտրոնային փոստին ստանալ էլեկտրոնային նամակներ Օպերատորից՝ վերջինիս գործունեությունը լուսաբանող տեղեկություններով, ներառյալ նորություններ, գովազդային նյութեր, ծանուցումներ և/կամ առաջարկներ:

8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Օպերատոր

«Ղարաբաղ Տելեկոմ» ՓԲԸ
Ք. Ստեփանակերտ, Վ. Մամիկոնյանի, 23
Հ/Հ 247703333330000, ՀՎՀՀ 90015278
www.kt.am,
097-200-111, 111



Բաժանորդ

ՀՀ քննչական կոմիտե
ՀՀ, ք. Երևան, Մամիկոնյանց 46/5
ՀՀ ՖՆ աշխատակազմի գործառնական
վարչություն,
Հ/Հ 900011000834
ՀՎՀՀ 02631263

departmentofcommittee@gmail.com



Հ Ա Շ Վ Ա Ր Կ

2019 թ. հունվարի 1-ից մինչև 2019 թ. դեկտեմբերի 31-ը՝ ներառյալ

		/դրամ/			
	Ծառայության անվանումը	Մեկ միավորի ամսական սակագին ԱԱՀ հետ	Քանակը (հատ)	Ծառայության արժեքը պայմանագրային ժամանակահատվածում ԱԱՀ հետ	Այդ թվում ԱԱՀ
1	Հիմնական բաժանորդահամարով հաստատուն գծերի համար բաժանորդավճար՝	1200	11 կապ	158.400	26.400
2	Զուգահեռ բաժանորդահամարով հաստատուն գծերի համար բաժանորդավճար՝	260			
3	Կիլոմետրային վարձ	360			
4	Միջբաղաբային կապուղու վարձակալում				
4.1	0-100 կմ՝ անալոգային	26250	5 կապ	1.575.000	262500
4.2	0-100՝ թվային	50000			
4.3	100 կմ-ից ավելի՝ անալոգային	35000			
4.4	100 կմ-ից ավելի՝ թվային	70000			
5	Հեռախոսացանցի ֆիզիկական շրթայագծերի վարձակալության տրամադրում	1 200			
6	Բաժանորդին հեռահաղորդակցության օպերատորի հետ ուղիղ կապի տրամադրում <i>ուշեղ գլխ</i>	1 200	3 կապ	43.200	7200
7	Գերատեսչական հեռախոսակայանի միացնող գծի տրամադրում, որը ելք ունի դեպի օպերատորի հեռախոսացանց	5000			
8	Զանգահարողի հեռախոսահամարի ներկայացում	300			
9	Ինքնորոշման արգելափակում	500			
Ընդամենը				1,776,600	296,100

Բ Ա Ճ Ա Ն Ո Ր Դ



Օ Պ Ե Ր Ա Տ Ո Ր

«Ղարաբաղ Տելեկոմ» ՓԲԸ



Պայմանագրի կողմ

Պատվիրատու

ՀՀ քննչական կոմիտե
ՀՀ, ք.Երևան, Մամիկոնյանց 46/5
ՀՀ ՖՆ աշխատակազմի գործառնական վարչություն,
Հ/Հ 900011000834
ՀՎՀՀ 02631263

ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՍ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔԵՐԻ
ՀԱՆՁՆԱԿԱՆ-ԸՆԴՈՒՄՆԱԿ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.

Պայմանագրի համարը՝ « »

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ
« » « » 20 թ. դուրս գրված N _____ հաշիվ ապրանքագիրը,
կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը կատարել է հետևյալ աշխատանքները, կամ մատուցել է
հետևյալ ծառայությունները, կամ մատակարարել է հետևյալ ապրանքները՝

N	անվանումը	Տեխնիկական նրբնութագրի համառոտ շարադրանքը	Մատուցված ծառայությունների					
			Քանակական ցուցանիշը		Կատարման ժամկետը		Վճարման նենթակագումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		
1								

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

Ծառայությունը ընդունեց

ստորագրություն

ստորագրություն

Կ.Տ.

Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Պատվիրատու) և _____-ի
Պատվիրատուի անունը Կատարողի անունը

(այսուհետ՝ Կատարող) միջև 20 թ. _____-ին կնքված N _____
պայմանագրի կնքման ամսաթիվը պայմանագրի համարը
 գնման պայմանագրի շրջանակներում Կատարողը 20 թ. _____-ին հանձնման-ընդունման
 նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

 ազգանուն, անուն

 ստորագրություն

Ընդունեց

հայտը նախագծած ներկայացուցիչ՝

 ազգանուն, անուն

 ստորագրություն